



3. april 2009

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut: Perorsaasunnigorniat inunnillu isumaginninnermi siunnersortinnigorniat atuarnermiini atuagaat qallunaatut allassimasuusut kalaallisut nutsertinneqarnissaat pillugu Naalakkersuisut sulissuteqalikkersaarpat?**

(Inatsisartuni ilaasortaq Kristian Jeremiassen, ATASSUT)

**Tungavilersuut:**

Nunatsinni inunnik sullissivinni perorsaasunik inunnik isumaginninnermilu siunnersortinik amigaateqaqaagut, tamannalu iliuuseqarfiginiarlugu iliuusaasinnaasut tamaasa atortariaqarigit isumaqarpunga.

Aamma isumaqarpunga ilinniartitaaneq appartinnikkaluarlugu perorsaasunnigorniat inunnillu isumaginninnermi siunnersortinnigorniat atuagaat qallunaatut allassimasut kalaallisut nutsertinneqarsinnaasut, soorunami pitsaassuseq appartinnaveersaarneqassaaq inuit sullitassat nunarsuarmioqataanerpullu eqqarsaatigalugit.

Nunatsinni amigaatigisagut perorsaasut aammalu inunnik isumaginninnermi siunnersortit pissarsiarisinnaagaluarpagut ilinniartitaaneq kalaallisut ingerlanneqalertuugaluarpat, nunatsinnimi

piukkunnartorpassuanik peqarpugut inulerisinnaasunik, kisiannili inorsartoortinneqartarput  
ilinniagaqarnissaminnut, ilinniutit qallunaatut allassimmammata.

Tamanna tunngavigalugu matumuuna Naalakkersuisunut apeqqutigaara perorsaasunnigorniat inunnillu  
isumaginninnermi siunnersortinngorniat atuarnermi atuagaat qallunaatut allassimasuusut kalaallisut  
nutsertinneqarnissaat pillugu Naalakkersuisut sulissuteqalikkersaarnersut?

Ullut suliffiusut 10-it qaangiutsinnagit akineqarnissara kissaatigivara. Akissutillu ukununga  
ingerlanneqassapput: [krje@gh.gl](mailto:krje@gh.gl) aammalu [landsting@gh.gl](mailto:landsting@gh.gl)